

古洮陽

狄道州志

卷一

一



狄道州志序

志乘所以紀往蹟詔來茲俾立政者有所鏡面施故於困
革廢興之際加詳焉矧郡邑聿遷州治初立其攸繫攸屬
爲尤重志之作洵要務已狄道溯秦漢以來歷爲附郭邑
我

皇上御極之初特允廷臣議用撫土者之請以臨洮郡移置會
城升狄邑爲州治其境垂二紀於茲矣先是司牧者將易
府志爲州乘屢未就呼延州牧輒復蒐輯排纂以竟厥緒
屬余量移晉省俶裝戒途亟呈其副本來請序余謂志之
難作豈繄無文大凡考據欲精弗精弗信論定欲確弗確

狄道州志

一

弗傳若第取所謂郡乘者增新焉易名焉而以號於人曰
此州志州志云乎哉是編決擇綦嚴別有體例而於邑甸
文物都會典章亦庶幾靡所遺闕且更易數手而今乃成
帙可不謂用心之勤歟抑吾聞人以文傳者不若文以人
傳狄之官自昔倅以上無論論其在邑者竟若以前明謫
尉椒山楊公爲最彼如置學田創書院復開煤山永爲士
氣民生所利賴宜其謳思至今卽觀辭帖諸篇亦猶生氣
凜然不可磨滅何哉官不在崇卑但以實心爲實政而無
復計功邀譽之思所謂一命之士存心利物於人必有所
濟也信夫方今

聖明在上吏道澄清士君子握符縮綬得一州而治之更可以
爲所能爲夫朝下令而夕逮於民者惟親民之吏苟實心
任之當必有越軼前徽垂光典冊而不徒斤斤於毫楮間
與文士競短長者余雖逃聽所欣願焉已瀕行爲之披閱
一過書數語以歸之并以爲勗

甘肅巡撫調任山西巡撫兼管提督節制太原城守尉兼
理雲鎮兵部右侍郎明德謹序



狄道州志序

狄之爲州閱二紀矣長安呼延牧於斯始爲州志請正於余而問序焉余竊惟古君子之忠也舊政必告於新尹然政有時而或息告有時而不能盡孰若書於冊而世守之永永勿替也是以郡國有圖方物有記其大者疆域以均井里田賦以杜侵漁水利食貨遂其養官師學校育其才由此分門別類綱舉目張無非厚生利用一道同風以臻郅治之隆志之與政固相須也矧狄爲邊圉之地明季劇遭兵燹我

聖朝興斯民享太平之福已百有餘年

狄道州志

一

聲教暨訖軼越千古若非授簡陳辭惠鮮懷保之盛何以昭垂於邊氓蓋於茲方之吏有厚望矣而尋常記載非樸略不詳則泛引寡要求其參互考訂足以信今傳後如徐健菴韓慕廬之於

大清一統志憂憂乎難之不圖是編於分野析井鬼之殊於建置剖秦之臨洮漢唐之隴西同名而異地於官制兵賦備列朝之掌故乃以見我

朝制作之善於紀事詳累世之屯防吐蕃之順逆乃以見我朝之不賞而勸不怒而威如此其深且厚也以及山川城池之帶礪名宦人物之彪炳下逮物產藝文之繁賾莫不條

分縷晰該於今而不疎於古維有府縣志秀水沈公未定
稿而事增於前文省於舊詳其體例規撫山經域志三通
二十二史之間以步驟徐韓二公洵方州之文獻已獨是
坐而言者起而行君恂恂儒也豈徒馳騁筆墨哉必有以
見之實事措諸施行一一於是編相符契則所以上報
國恩下慰余望者殆以是編爲左券余將拭目而觀厥成焉
時

乾隆二十有八年歲次癸未三月上巳撫蘭使者葉河常
鈞序



敘

予自弱冠受書在諸生列卽供館殿鉛槧之役閱十餘年
參藩關中適邁

朝命修輯省志節使問途於已經身余編纂殫心三年輯率
習進士需次明經十餘人成書百卷進呈

乙覽而其時關中郡邑志乘殘缺檄修補葺者又有十數部皆
手自點竄惟甘肅別析行省議請分修故不在余所纂之
列癸丑夏青奉

命西駐酒泉筦軍鑰因得悉覽河湟隴右之山川形勢風土人
情願以公務倥偬未暇也迨乙卯丙辰

狄道州志

序

一

廷議撤兵守土行臺使相徐議休養生息而予爲蜚語所搆
却掃一室朝夕與經史爲伍寓金城者九載改移府治於
蘭升狄道爲州正在余睹記之中於是狄牧蓬萊張君先
後兩典是邦德惠浹於士民授簡謁余曰狄志輯於康熙
戊辰越今將周干支矣且昔邑今州其間

聖化光照循良移易賁其簡陋者夥矣宜有以表章之非公不
文余固諾之而受代牧狄者則余同年友滿城張君也斯
亦有同志樂觀厥成促余編錄予惟曩日南登摩雲嶺過
洮陽陟烏鼠望首陽高躅退遊超然之臺景仰前徽而抹
邦新店溝洫之利大中承德濟齋先生嘗屬余相度則余

於狄志不得辭也乃束閣舊本別購古圖經採掇鈔撮又
採訪狄紳士吳鎮劉維灝等纂錄稿本徵取狄署六科史
所掌文書增益之離爲四十類編成十二卷而復於刺史
張君曰獅之搏狸亦必用全力僕纂狄志不以狄視狄也
猶用纂全陝通志之法式經緯組織具在凡例不支蔓無
罅漏是爲志體生於其地與官是邦之紳士大夫幸鑒余
心俾有裨於治道人心則此志之作不虛也已

乾隆十年乙丑歲仲秋旣望前西安糧道管理西路軍需秀水
沈青崖撰

狄道州志

序

序

粵稽前代狄道爲用武之地蓋自周東遷卽陷於戎唐季宋初皆非中國有明之末造幾罹兵燹矣我

國家定鼎以來亦再煩戡定迄今百有餘年農耒而土橫經共享太平之福其亦念休養生息由於

聖聖相承之深仁厚澤乎廬陵有言宣上恩德以與民共樂刺史之事也况郡縣更易已越二紀其間政治之以時損益民生之利弊安在以及賢守令之撫字孝子順孫志士列女之側身修行與夫風俗淳澆物產豐耗皆守土者所當留意而典郡以上至大府因地制宜勤求民隱亦將於文

狄道州志

序

一

獻是徵志之作烏容已哉歲乙丑觀察秀水沈公因前牧蓬萊張君請創爲州乘未竣事蓬萊君去滿城張君至復請成之雖卒業而未付梓觀其自序束閣舊本別購古圖經採掇鈔撮網羅無遺可謂勤矣而華國竊有說焉志猶史也非兼三長不失之簡陋則流於繁縟太史公取材六經左國世本要必變化從心賈長沙文雄西漢扶風僅取大略蓋高簡有法陳壽以來固已難之矧臨洮之名始於秦而境在今之岷州唐之臨洮郡今爲洮州廳隴西名郡自漢始唐亦有隴西郡乃卽今之隴西且或以爲州爲路爲軍或以郡領縣紛紜更互猝難考詳核之弗精奚以示

後則作志不其難哉獨念幸生無事之時與吾民優遊化
日非若曩者之蹂躪搶攘未遑從事則於公退之暇從容
握管以揚扆

盛朝之雅化表章閭里之遺風餘烈不可謂非千載一時也
用是自忘固陋仍沈公之義類殫心蒐討嚴決擇審體要
庶幾信而有徵爲志州者立之嚆矢雖不文其奚辭若夫
山川風物之美因革興廢之迹固亦考鏡之林也罔或忽
焉乾隆二十八年歲在癸未秋八月上澣

賜進士出身奉直大夫知狄道州事長安呼延華國題

狄道州志凡例

一地志古名圖經其文皆爲釋圖而作今輯志乘者列圖卷首不與本類相附殊失互証之意茲志之圖各隨類見以便流覽不循冠首之舊

一左圖右史猶人面之有眉目不可不瞭然分列第舊時繪者皆依先後天卦圖南上北下殊非畫地所宜今遵

皇輿圖式 京師據上濟而以南方居下承流凡峰巒皆向上城郭宮室不致左右倒臥斯爲大順之規也

一州邑志書規制與通志有別雍正八年 詔修志乘惟西安通志爲一統志館所稱是書大端分類處悉照西安通志章

狄道州志

凡例

程而博稽羣書廣詢故老多所考訂視舊府縣志增者十之六七損者十之三四韓子有言惟其是而已

一稱名所以定志狄道前此爲附郭首邑今升爲州矣州自今始雖重輯是書猶之乎創也故不以續標名

一康對山先生武功志見推海內其分類七融貫古今爲文七篇高簡古雅初學之士未能一目瞭然故志乘家未敢踵習今惟星野一類沈稿援引最富而義多歧出因倣康志融洽成文餘悉從徐韓一統志編纂

一志書之蒐輯所以紀載往跡垂鑒將來凡各類中因革損益如官制賦額必詳舊規亦猶

會典之體且以見我

朝鑒往古而定成憲斟酌盡善迥非前代所及

一各類之首志乘家率用弁言數語或後幅雜以議論此固班書提綱索隱述贊之所不廢然千家雷同徒爲贅語茲不敢蹈襲也惟舊籍流寓偶一用之

一輯志雖不同作史而體實史裁考據古典直溯數千年以上非博徵羣籍猶膚詞勦說耳茲集上自經史三通元和志宋次道長安志何大復雍大記李應祥雍勝畧馬谿田馮少墟賈中丞陝西通志皆所採資更合之此邦文獻庶幾該括靡遺

狄道州志

凡例

二

一臨洮之名始見史記唐有臨洮郡別置洮州卽今洮州廳也又自漢以來臨洮爲隴西郡而唐亦有隴西郡別置渭州卽今隴西縣也舊志分別未詳間有以彼入此者今悉更正

一人物一類有資風勸去取必詳或舊府縣志誤採而今刪者必於各傳後作按語申明所以刪削之意

一人物之見於列史者鴻篇鉅製州邑志乘不能全載今悉倣武功志概從節錄

一列女有慷慨死節者有從容守義者慷慨死節則必有事可記不厭其詳從容守義則無非無儀者閨閣之常若必敘其欲殉於夫亡之時勉存以撫孤之義飲冰茹荼此則千人一

律反近粉飾觀春秋之宋伯姬紀叔姬止三四語而大節昭於千古豈在多乎余故於是編以質不以文

一藝文必有關於地方利弊可資証據而詞復雅馴者始錄若一篇之中段落句讀稍涉冗長者亦仿史漢引用之例悉爲節省又諸家撰志皆以藝文殿後往往繁重觀者尤須前後檢閱始識作者之意今擬分類附錄則文賦記序詩詞散見各類可以互相考証其有無類可附者仍列藝文一類一引用書籍必綴書名以示稱述有本惟有疑義應發明者別作按語以明之

華國識

凡例

三

狄道州志目次

第一卷

星野 圖

建置沿革 表

形勝

疆域 圖

鄉里

山川 圖

城堡 圖

關隘

狄道州志

目次

公署 圖

倉廩

站所

第二卷

職官 列朝官制題名

封爵

第三卷

貢賦

民屯地丁
雜稅課程

更名
古賦稅

接營隣
鹽法 衛田
錢法 土

第四卷

學校 典籍

額數

書院

社學

學田

選舉 歷代諸科 甲科 貢 人才薦舉

第五卷

祠祀 文廟學宮圖 祭器 樂器 祝文

寺觀

第六卷

兵防 圖 汛地 烽墩 教場

茶馬

屯餉

驛遞 舖司

水利 圖 水碓

狄道州志

目次

二

津梁

第七卷

名宦 節使 監司 牧守 僚佐 將校

第八卷

人物上 名臣 廉能 直諫 勇畧

第九卷

人物中 忠節 孝義 文學 隱逸 舊籍 流寓

第十卷

人物下 武胃 撫仕 方伎

列女 賢淑 貞烈

第十一卷

祥異

風俗

物產

穀

蔬

藥

貨

木果

花卉

禽

獸

鱗介

蟲豸

古蹟

塚墓

第十二卷

藝文上

疏

誌銘

祭文

禱文

序記

第十三卷

藝文中

贊

論

年譜

書

錄

詳文

賦

詩

狄道州志

目次

三

第十四卷

藝文下

詩

詞

經籍

第十五卷

紀事

第十六卷

拾遺

明臨洮府志纂修姓氏

王中 仲可狄道人

伍天錫 督學

雍譚 狄道人

彭澤 蘭州人 尙書

熊 巡按

荊州俊 布政使

唐懋德 臨洮府同知

高偉 臨洮府推官

郭純化 金縣訓導

文學歐

劉愈達

岳近庚

郝梅

趙鳳池

張榜榮

何奎

漢彩

以上俱狄道生員

國朝臨洮府志纂修姓氏

季佺 臨洮府知府

高錫爵 臨洮府知府

栗生蘭 蘭州同知

鄒嘉琳

曾化時 經歷

艾十奇 臨洮訓導

狄道州志

纂修姓氏

一

梁景岱 狄道縣教諭

郭巍 狄道縣訓導

狄道縣志纂修姓氏

李觀我 狄道縣知縣

李傑 狄道貢生

荀濂 狄道廩生

狄道州志稿纂修姓氏

沈青崖 糧道

張儒 狄道州知州

張永淑 狄道州知州

狄道州志纂修姓氏

編輯

甘肅蘭州府狄道州知州呼延華國

炳文陝西長安人己未進士

校訂

陝西西安府耀州儒學學正吳

鎮信辰狄道舉人

採訪

劉維灝

文漪增生

王克允

明五增監生

分閱

李隨蔚

素文廩生

陸度

孟容廩生

劉廷葆

羽章廩生

李尙德

南若增生

李隨青

中阿廩生

魏學文

仲餘增生

狄道州志

纂修姓氏

二

劉謙

柄也廩生

劉良佐

際雲廩生

黃呈秀

俊升廩生

王克勤

禹陰廩生

劉中濶

雲海廩生

劉朝彥

友召廩生

繕寫

王元德

升聞廩生

張琳

仲美廩生

張權

伯可廩生

趙崢

峙南廩生

毛誥

紫文廩生

吳鋼

孟堅廩生

雷念祖

允修廩生

張開科

雲路武生

楊偉烈

美公

劉湘

于之

梓人田大賓李世德田如林刊刻

狄道州志卷之一

星野

狄道州志

卷一


星野圖

一

井宿圖



鬼宿圖



○天紀

狄道州志

卷一

星野圖

二

步天歌曰井八星橫列河中靜一星名鉞井邊安兩河各三南
 北正天樽三星井上頭樽上橫列五諸候候上北河西積水欲
 覓積薪東畔是鉞下四星名水府水位東畔四星序四瀆橫列
 南河裏南河下頭是軍市軍市圍圓十三星中有一個野鷄精
 孫子丈人市下列各立兩星從東說闕邱兩個南河東邱下一
 狼光蓬茸左畔九個彎弧弓一矢擬射頑狼胸有個老人南極
 中春秋出入壽無窮

按晉書天文志隴西入營室四度金城入東壁四度狄道或
 隸隴西或隸金城臨洮府志因有洮入東壁四度之說夫室
 壁東平州之汶上壽張分也見明史去秦甚遠此陳卓譙周之

說占驗不効故言天者皆不從之惟春秋元命苞云東井鬼星散爲雍州分爲秦國司馬天官書班氏律志地理志范史律志隋地理志天文志唐天文志皆以井鬼爲秦分信矣但井鬼度數甚濶蜀滇皆在其內而不能無辨考之綱目晉穆帝升平元年太白入東井至六月而符堅弒其主生唐莊宗同光元年彗出輿鬼至三年而王蜀滅如此之類不可細舉則井主秦鬼主蜀不可混也越絕書云隴西漢中東井也淮南子亦云西南曰朱天秦屬朱故曰西南井鬼爲朱鳥七宿故曰朱天其星曰東井則秦專屬井有明徵矣或曰井宿三十餘度狄道當居幾度是則洪武清類天文分野書以爲臨洮井分而鄭樵云不計星

狄道州志

卷一

星野

三

度者爲是至乙巳占謂秦人占狼弧唐天文志謂西羌吐谷渾皆占狼星猶之太史公謂秦之疆也候在太白占於狼弧正義曰太白狼弧皆西方之星是故秦占候也 春秋文耀鉤云龍門積石至三危之野屬魁星按史記魁爲北斗第一星石氏星經曰一主秦

大清 甘肅 布政使司 蘭州 治

建置沿革表

周	秦	漢	三國	晉	南北朝	隋	唐	五代	宋	金	元	明
雍州							隴右		熙河	熙秦	鞏昌	陝西
			秦州秦州河州		秦州秦州河州				熙河熙秦鞏昌			
			魏分秦始魏志		秦州秦州河州				熙河熙秦鞏昌			
			隴右五年河州		秦州秦州河州				熙河熙秦鞏昌			
			以隴領金		秦州秦州河州				熙河熙秦鞏昌			
			西等城武		秦州秦州河州				熙河熙秦鞏昌			
			七郡始洪		秦州秦州河州				熙河熙秦鞏昌			
			置秦和臨		秦州秦州河州				熙河熙秦鞏昌			
			州鎮洮四		秦州秦州河州				熙河熙秦鞏昌			
			冀城郡		秦州秦州河州				熙河熙秦鞏昌			
			太康		秦州秦州河州				熙河熙秦鞏昌			
			三年		秦州秦州河州				熙河熙秦鞏昌			

狄道州志

卷一

建置沿革表

四

隴西	隴西	隴西	隴西	狄道	武始	金城	臨州	熙州	臨洮	臨洮	臨洮
郡	郡	郡	郡	郡	郡	郡	郡	郡	郡	郡	郡
本禹秦并治狄魏移初為魏仍開皇	貢雍天下道莽郡治縣惠舊周初廢	州西仍為日厥於襄帝分亦不武始下都按職郡節更名十三二年	界周郡按戎武而置郡更魏以狄督府方考武勝軍皇渭源府	罷秦州并	咸通	熙州	熙州	熙州	熙州	熙州	熙州
邽鎮復七年雍州并	邽鎮復七年雍州并	邽鎮復七年雍州并	邽鎮復七年雍州并	邽鎮復七年雍州并	邽鎮復七年雍州并	邽鎮復七年雍州并	邽鎮復七年雍州并	邽鎮復七年雍州并	邽鎮復七年雍州并	邽鎮復七年雍州并	邽鎮復七年雍州并
涼州	咸通	熙州	熙州	熙州	熙州	熙州	熙州	熙州	熙州	熙州	熙州
路	熙河	熙河	熙河	熙河	熙河	熙河	熙河	熙河	熙河	熙河	熙河
司	路	熙河	熙河	熙河	熙河	熙河	熙河	熙河	熙河	熙河	熙河

蘭州 甘肅 布政使司 治

狄道 先仍 明制 狄縣 設狄 道縣

衰其秦築
地爲長城
狄秦起臨
昭王洸在
二十今岷
八年州詳
置郡見古

狄道州志

狄道屬秦志郡道改天寶載二軍熙統二堡升
屬焉州張領縣隸金三載百八甯五年改爲縣神宗

武始 州 屬涼田狄蘭州城郡州中復始
素今府大道縣有而驛爲
勇田業初置後臨州州
陽素府廢隔吐未列建炎
張駿二縣
建元失考
元年大約
分置當在
魏書狄境
地形
志曰

卷一

建置沿革表

五

晉分 隴西 置郡 蓋未 考前 涼所 改也

有臨南通 洮郡秦鳳 治洮階成 州卽而於 今洮屬蜀 州廳西與 元史則與 載臨河湟 洮軍俱棄 於狄於差 道誤戎可 知矣

隴西縣	狄道	郡地杜佑白石
縣	狄道	通典山在
縣	狄道	日狄東莽
縣	狄道	道秦日操
縣	狄道	惠帝武始有白下臨
縣	狄道	置郡郡治石山州治
縣	狄道	屬金尋入
縣	狄道	城郡於吐
縣	狄道	熙州載浩洮府附
縣	狄道	中下金史下臨臨洮
縣	狄道	熙州載浩洮府附
縣	狄道	熙州載浩洮府附
縣	狄道	熙州載浩洮府附

漢 接 狄 廳 歸 元 雍
州 收 道 衛 并 年 罷

為 狄 州 治 府 臨 題 三 乾 附 洮 為
州 道 升 蘭 移 洮 改 年 隆 郭 府 臨

狄道州志

卷一

建置沿革表

六

舊縣虜
石有山
白

安志後
固作漢
縣
安故

安狄志洮按故置張
故道云府臨郡安氏

隋志番號
於狄武勝
道注軍
云後
魏置
臨洮
郡龍
城縣
後周
皆廢
按龍
無考

長樂
縣

為宋改
康縣
康樂

屬而
言之
其實
清不
在水
在縣
境內

六年境內
置九則平
年省番之
元豐東南
二年亦屬
復置縣疆
矣明
史志
亦沿
其舊
云浩
尾河
在北
合府

臨洮
衛
供武
三年
設衛
於府
城隸
陝西
省都
司

狄道州志

卷一

建置沿革表

七

城在蘭州西八里則今不在狄境因甘肅通志以安故隸狄故仍載之武街縣

下天寶三載析狄道置安樂乾元後更名

樂若金置廢

蘭州屬

明時廢為里

高帝魏省分置屬隴西郡後屬狄道

水池水池

縣縣

兼置屬地

洪和罕郡

狄道州志

卷一

建置沿革表

八

道境接南
岷州地
之通也
志表
載在
狄故
之仍

按魏郡
志水
池縣
真君
四年
置郡
後改
其旁
邑有
藍川
葦川
二縣
其水
入洮
蓋狄

乾隆三年七月十五日甘肅巡撫元展成爲省會應駐守
令等事奉

旨該部議奏欽此會議得甘肅巡撫元展成等疏稱各省省城
俱設首縣以專司庶務設首府以就近統轄綱舉目張措
施裕如而甘省會城建在蘭州有廳州而無郡縣較之他
省規模殊未畫一且廳係佐貳專司稅務茶法並無地方
之責遇有通省公事及重大案件必須飭委印員以一州
而兼理首府首縣之事未免竭蹶况該州隸轄臨洮一切
命盜審案解府解司紆迴往返尤爲未便先經前撫臣許
容題請將臨洮府移駐省城蘭州爾時因臨洮地近河州

狄道州志

卷一

建置

九

外通河曲必須知府大員就近控御原未便遽議改移是
以經督臣查郎阿議覆停止在案今查河州已設有重鎮
無須知府彈壓此不宜於昔者適宜於今臣與督臣接地
方今昔情形因時斟酌意見相同均不敢拘泥原議而不
爲之陳情也臣等就今而論應請將臨洮府知府及附府
之狄道縣移駐省城蘭州原駐蘭州之知州移駐狄道同
原轄之金渭河三州縣及移駐蘭城之縣俱隸移駐蘭城
之府管轄其府州縣所屬之經歷州判吏目典史等官俱
隨府州縣移駐其蘭州屬之蘆塘驛丞原係蘭境驛路
應隸移駐之縣管轄此特易地經理錢糧訟獄及一切公

務俱無庸增減紛更一轉移間殊多便益等語查雍正十三年十月二十日總理事務王大臣奉

上諭朕聞利不十不變法害不十不易制蓋以政有恒則易守法數變則姦生而况州縣隸屬之有常文武職業之有定者乎往者一二州縣理宜改隸及員弁宜增設者

皇考曾允督撫之請勅部議行而督撫中途有借此以見其整飭地方留心吏治而絕無關於利害之實者不知改隸一邑則獄訟錢穀緣結簿書百弊叢生急難綜察增設一官則文移期會事緒益紛供給送迎閭閻滋擾且封域驟改奸宄或致潛藏官吏日增責任轉無專屬自後必州縣離府

狄道州志

卷一

建置

十

遼遠實宜改隸市鎮繁雜之地定須添官彈壓者方准其具題酌度其餘不許瀆奏欽遵在案今該撫既稱各省省城設首縣以專司庶務設首府以就近統轄而甘省會城建在蘭州有廳州而無郡縣較之他省規模殊未畫一遇有通省公事及重大案件必須飭委印員以一州而兼理首府首縣之事未免竭蹶先因臨洮地近河州外通河曲必須知府大員就近控御未便改移今河州已設有重鎮無須知府彈壓此不宜於昔者適宜於今臣與督臣按地方今昔情形因時斟酌意見相同應將臨洮府知府等官移駐蘭城等語應如該撫等所請臨洮府知府並附府之

狄道縣准其移駐省城蘭州其原駐蘭州之知州准其移駐狄道同原轄之金縣河州渭源及移駐蘭州之知縣俱隸移駐蘭州之知府管轄其府州縣屬之經歷州判吏目典史等官俱准其各隨原屬之府州縣移駐其原隸蘭州屬之蘆塘驛驛丞應准其歸於移駐省城之縣管轄所有原駐蘭州并原駐狄道縣經手一切倉庫錢糧及命盜等項俱准其移駐接管仍歸移駐蘭城之知府盤查核轉至移駐蘭城之府縣名并移駐臨洮之州名恭請

欽定其一切移駐改隸添設官役俸工及未盡事宜容臣詳晰另議分別咨題等語應如所請至移駐蘭城之府縣名并

狄道州志

卷一

建置形勝

十一

移駐臨洮之州名候

命下之日吏部移揭內閣選擬佳名進

呈恭候

欽定移咨禮部換給印信

形勝

厥勝南得鍾存北阻大河

漢曹鳳奏議

考河隴之故地乃嬴秦之舊封其民則徙關東之下半其境則

接巴嶺之襟裔

宋張舜民收復熙河頌

據隴首撩西傾襟帶關河長城之險

臨洮府志

襟帶河湟爲西陲之保障自秦築長城起臨洮而邊境大斥無

南牧之患蜀姜維數出狄道以撓關隴魏人建爲重鎮維不能得志晉之衰也河西擾亂大約據狄道則足以侵隴西狄道失而河西有唇齒之慮矣拓拔魏兼有秦涼以狄道爲咽喉之地列置郡縣恃爲藩蔽唐拒吐番臨州其控扼之地也寶應初臨州不守而隴右遂成荒外矣宋承五季之敝王官所蒞不越秦城熙甯以後邊功漸啟議者謂欲圖西夏必先有事熙河及熙河路建而湟鄯之域次第收復志曰郡土田膏腴引渠灌溉爲利甚溥其民皆番漢雜處好勇喜獵故徐達亦云臨洮西通番落北界河湟得其地足以給軍儲得其人足以資戰鬪也

甘肅通志

狄道州志

卷一

形勝

十二

疆域圖





狄道州志

卷一

疆域圖

十三

疆域

狄道州在蘭州府治南二百一十里

東由窰店至翠岩鋪七十里渭源縣界

南至橋道鋪一百二十里鞏昌府岷州界

西至黨川鋪四十里河州界

北由沙泥驛至摩雲嶺一百五十里皋蘭縣界

東南至官堡一百里渭源縣界

西南至景古城一百里鞏昌府洮州廳界

西北至宏濟橋一百五十里河州界

東北至新營一百二十里金縣界

東西廣一百一十里

南北袤二百七十里

鄉里

原額二十六里明嘉靖二十七年分南川渭竹等里歸入渭源
今存二十三里

東門里 南門里 西門里 北門里 關廟里

番城里 東峪里 寸金里 清水里 南峪里

下觀里 西坪里 康樂里 下川里 青重里

小河里 柳林里 好水里 結河里 白楊里

臨洮里 史家灣里 第二堡里

狄道州志

卷一

鄉里

十四

岷州歸入狄道里名

黨卜里 沙馬里 化都里

以上原額里甲并歸併各里或一里而載數里之糧一糧
而載數里之冊遠近分合莫可稽查僅存舊名

接管臨洮衛寨名

廟坡山寨 南家灣寨 高古堆寨 鐵佛寺寨

竹庄溝寨 鬧兒坪寨 苦哥坪寨 司家坪寨

王家山寨 馬蓮溝寨 東紅岩寨 新店子寨

魏家寨 蔡家寨 周家寨 吳陳寨

青重寨 下川寨 沙泥寨

下文家坪寨 左南觀坪寨 中第二峪寨

蘭廳歸入狄道伍名

上伍 中伍 下伍 塏坪 沈百戶

蘭衛歸入狄道屯名

上山 下山

岷衛歸入狄道屯名

黨下川

狄道州志

卷一

歸併屯衛

十五

山川全圖

東



狄道州志

卷一

山川圖

十六






古洮水圖

狄道州志

卷一

嶽麓山圖

十七



狄道州志

卷一


古洮水圖

十八

今洮水圖

東





狄道州志

卷一

今洮水圖

十九

山川

嶽麓山 在州東二里宋時建東嶽廟於山麓故名其上有超

然臺詳見古蹟

東巖 在超然臺下巖形如兩屏中建蘭若層樓飛閣頗稱幽勝

伏冰巖 在州東五里盛夏伏冰卽今雪溝

紫藍灘 在州東五里明馮勝征李思齊營於此

木婆峪 在州東三十里

東峪 一作谷 在州東八十里一統志宋王韶至東谷徑趨武勝卽

此一名濫水經注東峪水名曰濫

竹牛嶺 在州東九十里一統志宋王韶破番酋於此

分水嶺 在州東九十里卽今關山與渭源界

碧井山 在州東南二十里一名玉井峯峯頭有井澄澈可挹

丁龍谷 在州東南二十五里今名交龍谷雍勝略作龍谷府

文廟碑云谷內有元大司徒祁安學田百餘頃

通谷 在州東南三十里一統志宋熙甯初嘗於谷口置堡

南峪 在州東南六十里

十八盤山 在州東南一百里一統志古有驛遞通岷州

隴抵 在州東南

佛溝 在州南十五里翠微有棲霞閣明潘光祖讀書處

狄道州志

卷一

山川

二十

曹家溝 在州南二十里

嵐關坪 在州南二十七里今名南觀坪上有侯和城址

新道坪 在嵐關坪西

抹邦山 在州南三十五里宋王韶破羌於此

鎖林峽 在州南六十里一名史家灣峽爲洮水所經兩岸峭

絕林木蒼鬱若交鎖然故曰鎖林今峽上有古篆字蓋宋金

時所鑄云

翠屏山 在州南六十里山形儼若翠屏

木耳山 在州南七十里渭源界

贊嘉峪 在州南七十里雍勝略云內有古廟湫池

煤山 在州南八十里明典史楊繼盛開

高石巖 在州南八十里上多古松蓋以險得存者翠微有佛閣清幽可憇

紅道峪 在州西南三十里明嘉靖間遊擊劉子都與火落赤戰此

巴麻峪 在州西南三十里

幞頭山 在州西南三十里以形似名

卜公峪 在州南四十五里一名斗谷峪

珠翠山 在州西南五十里一名筆架山

常家山 在州西南六十里宋神宗時夏人寇邊羌酋鬼章駐

狄道州志 卷一 山川 二十一

此府志山有龍湫深廣衍爲九曲十八灣

紫松山 在州西南六十里

射姑山 在州西南八十里漢馬防擊西羌從事杜篤戰沒於

此府志作阿姑山

白石山 在州西南一百一十里秦置縣府志廣輿記俱載蘭

州誤

蓮花山 在州西南一百五十里山形奇秀宛似蓮花

西強山 在州西南一百五十里隆冬雪霽碧玉參差 通志

曰俗謂卽禹貢之西傾非也蓋洮水出強臺山漢之臨洮卽今洮州廳而禹貢之西傾又在洮州廳之西南二百五十里

非一山也第洮水故名強川則在洮西者皆得以強名之

西巖 在州西三里上倚寶鼎下瞰洮流乾隆二十年州人移臨川閣於其上

西平山 在州西五里鄭樵通志唐李晟所封廣輿記作西平莊

寶鼎山 在州西十里山形髣髴香爐其上常有雲氣

滴水巖 在州西十里通志水自石竇中出

麝香坡 在州西三十里

夏牟山 在州西三十里其山多種牟麥 上有亥母洞一名

雲界寺北爲亥子水而生於申西西方故名亥母

狄道州志

卷一

山川

二十二

胭脂嶺 在州西三十里下有胭脂川

朱家山 在州西七十里明萬歷十八年火落赤屯朱家山

臥龍山 在州西北三十里山形蜿蜒如臥龍上有靈湫禱雨多應

龜兒山 在州西北五十里山形似龜又名曰鳳臺山

高山 在州西北六十里

水簾洞 在高山南有飛泉從石腹下

黎紫山 在州西北八十里

黑石山 在州西北八十里山多黑石

石門山 在州西北一百三十里宋置石門砦

按水經注瀉水東北經石門口高峻險絕對岸如門

故關原 在州北三十里通志漢姜維與魏王經戰於此其東有平地百頃可以屯軍是爲太平原

打璧谷 在州北三十里東通石景峽或以其原產綠石而名之又名柳林溝

中峰山 在州北三十五里一名廟山

駒兒山 在州北四十里

翠微山 在州北八十里通志作六十里明肅藩於山下建翠微寺

馬啣山 在州北九十里史謂馬啣俗誤爲寒山綿亘數百里盛夏有雪物產最富尤多玉

狄道州志

卷一

山川

二十三

崆峒山 在州北一百里踞馬啣之頂俗名空頭山明郡人雍御史焯崆峒積雪詩序云馬啣山周圍六七百里殆卽古之空同云史記武帝元鼎初西至隴西登空同隋書煬帝大業間西征土谷渾至狄道登空同蓋非空同不足以當是山非是山不足以名同空故杜甫上哥舒翰詩云防身一長劍將欲倚空同又寄高適詩云空同小麥熟且願休王師又空同足凱歌空同使節上青霄之類皆指狄道非指平涼與河南汝州之空同也自隴西屢遭陷沒中國之學士大夫罕履其地而羌人土語遂有馬啣之誤今人且不知狄道之有空同又烏知馬啣之卽空同耶靈名淪晦惜哉 按一統志云空

同山在臨洮府界廣輿記亦云空同在府界而不言馬啣然則以馬啣爲空同其說近是

摩雲嶺 在州北一百五十里雄峻參天嶺上有關泉蘭界

墓塚坪 在州東北三里上多古墓

青重山 在州東北二十里

高峰坡 在州東十五里

石井峽 在州東北七十里峽多綠石可硯見高深甫遵生八

牋通志作二十里誤

胡麻嶺 在州東北一百二十里路通安定通志作路通岷州

誤

狄道州志

卷一

山川

二十四

洮河 在州西三里明史自洮州衛流經此至蘭州而入大河

松潘志稱洮水源出潘大分嶺西經臨洮蓋松潘之北即舊

洮州之南也與地理通釋云出西羗中者合 廣輿記洮河

經府城下聲如雷每冬初冰凝圓如珠子蔽水而下

恒水 在州西南三十里源出西傾山東入於洮縣志吳鎮曰書

云西傾因桓是來馬融注西傾山因桓水是來言無餘道也

夫旣言無餘道矣豈桓水之外又有一洮水而洮水之外又

有一恒水平按洮水一名桓水意恒桓字形相近而洮水卽

桓水也不然則洮水之大遠過涇渭且爲積石必經之路豈

禹貢反不載耶

東峪河 在州東三里源出分水嶺會馬兒藏南峪溝水西注於洮

龍泉 在州東二里一名玉泉府志作玉潤

唐古泉 在州南二十五里源出石崖瀑布味甚甘

拜金川 在州南三十里雍勝略作六十里今名拜金川又名金家河宋神宗時种誼等擊鬼章宵濟拜金川黎明至臨洮城下一鼓克之

抹邦河 在州南三十五里源出黃峴溝會大小南川松樹溝水入於洮

三岔河 在州西北十里源出麻山關及大馬家灘并火石界合流入於洮

狄道州志

卷一

山川

二十五

巴羊河 在州西北三十里

邊家溝水 在州西北四十里

西改河 在州西北五十里源出沙馬關

打壁河 在州北三十里源出石井峽卽打壁谷

好水 在州北四十里

結河水 在州北五十里一名合水

改河水 在州北六十里

牛頭溝水 在州北七十里

哈沙溝水 在州北一百一十里

中舖溝水 在州北一百二十里

石井泉 在州北一百二十里自山峽中湧出

以上諸水俱入於洮

西傾山考

國朝沈青崖

書傳曰西傾山名段國沙州記曰洮水與墊江水俱出嶺臺山
山南卽墊江源山東則洮水源郭景純注山海經云從臨洮之
西傾山東南流入漢而至墊江故段國以爲墊江水與洮水同
出一山乃知嶺臺西傾之異名也推其自來指嶺臺爲西傾者
始自郭璞與酈道元也沙州記又載有嶺城則秦漢間嶺臺山
下故有城郭至晉乃沒於吐谷渾爲羗戎地耳杜氏通典云西

狄道州志

卷一

山川

二十六

傾山在臨潭縣西南吐谷渾界禹貢錯指謂在洮州廳西南四
百餘里蓋推本元和志洮水出縣西南三百里西傾山而臨潭
故城又在廳西南七十里故決其爲距廳四百里乃知元明一
統志以西傾去洮州二百五十里者謬也至於近日更誤以漢
之臨洮爲今之狄道因謂狄道西南一百五十里有西嶺山卽
禹貢之西傾又有謂漳縣西北七十里亦有西傾山又如雍勝
略亦附會無稽指洮河東岸之馬啣山爲西傾者不顧經傳不
考載籍妄加傳鈔以惑人耳目余故亟釐正之

入洮諸水古今異名考

沈青崖

余讀甘肅通志見狄道縣山川收採董川水葦壇川水藍川水

此蓋不忍割愛於水經注之古名而又不能強指今之某水卽古某水故附載於此以待博雅之考訂也夫南北朝之山川名目史志相沿應有記述而何以遽致湮沒蓋自晉以後紊亂於十六國唐之中葉疊宕洮岷沒於吐番故唐書紀載闕畧金元雖得其地不可復考明爲番僧土人竊踞僅羈縻之耳惟我國朝幅員廣輪莫不享王如疊宕古州雖不改爲郡縣而隸在洮岷道屬土司之下莫非臣妾猶之版圖也惟呼宕昌爲炭廩廢疊州爲鐵步僅取其音之相似而不復知爲古州郡矣然則入洮之三水其古今名稱之不同者雖不敢指証而約畧揣摩酈注之文言言有著故繪古洮水一圖今洮水一圖以合徵之

狄道州志

卷一

山川

二十七

不難瞭如指掌亦庶幾讀書考古之一助歟

馬啣風雪

明陳質 廣信人

追遊曾過馬啣巖民俗淒涼景淡然風勁片雲三尺雪山高一
日四時天倒旋羊角聲何怒碎翦鵝毛色更鮮暫駐行騶凝睇
處也須橫槊賦詩篇

東巖

國朝張晉 郡人進士

勝地開金刹諸天近翠峰月高秋在塔雲冷晚留松往事存題
碣前朝贖賜鐘一聲煙外鶴落盡玉芙蓉

玉峯吟

張逢壬 州增生

家住玉峯下門臨清水 名渠邊一竿秋鉤月雙屐曉耕煙野鳥穿

林語羸牛傍隴眠聊將衣食計歲歲樂堯天

遊蓮花山

王維新郡人訓導

蓮花山貌蓮花似秀骨嶙峋迴不羣天外青蜂朝浴日鏡中綠水晚穿雲孤巢鶴影凌空見古寺鯨音隔澗聞幾度欲尋蒼玉版翠微瑤草落紛紛

遊蓮花山

張逢王

千巖萬壑盡蒼松翠靄丹霞又幾重蓮座應留甘露地花龕湧出妙高峰

佛溝

魏宗制郡庠生

曲徑草芊芊捫蘿入洞天石崖雲外插畫閣澗中懸佛睡忘燒

狄道州志

卷一

山川

二十八

叔上有佛睡僧閒悟淨禪鐘聲空萬戶遠近一斜煙

洮水吟

吳秉元郡學生

禹貢無洮水稱名或不同閣傳唐代蹟臨川開天寶時建橋憶宋時功

永甯橋熙寧時建珠濺三秋未雷鳴九地中廣輿記洮水聲如雷上游真扼要涇

渭敢爭雄

東巖

左拱樞狄道學正

東巖佳勝古曾聞望裏煙霞入座分一院松風真灑落六時花雨自繽紛高臺鳳翥乾陀日超然臺即鳳臺上有古塔斷澗人行略約雲信是佛光縈寶刹瓣香咫尺在揚君

狄道州志

卷一


城池圖

二十九


城池圖

北

東



南



狄道州志

卷一

城池圖

城堡

狄道城基址在秦漢者不可考其前涼之武始唐之臨州亦因
 沒於吐番城池多遭傾圮故李吉甫元和志於臨州之四至
 入到無得而述焉臨洮府志載自宋熙甯五年王韶城武勝
 軍金元因之增修者徵信也明洪武三年指揮孫德增築周
 九里三分高四丈一尺池深三丈五尺門四東曰大通西曰
 永甯南曰建安北曰鎮遠俱贅以甃上建層樓戍樓戍舖後
 又增築北郭景泰四年知府劉昭重修闢東西北三門隆慶
 三年知府申維岱知縣何常春復修之額其城樓南曰南通
 蜀漢北曰北連嘉峪東曰東望盛京西曰西接崑崙凡敵樓

一十六更舖二十有八堞口一千八百有二十

國初靖逆侯張勇駐師臨洮引洮水支流近城謂之飲馬河其後遂成巨浸衝隘西城雍正五年知府李如璽謀塞之未就乾隆十二年知州管孫翼奉文佑修河復故道城垣無水患矣乾隆二十五年署狄道州沈元振陶國幹奉旨補築西城乃始完善可觀云

鼓樓 在州署大門內

鐘樓 在州治東

按鐘係元元帥祈福掘於積慶寺土壤中者始懸之天甯寺明成化丁亥知府錢茂律建鼓樓於府治大門移鐘就之嘉

狄道州志

卷一

城堡

三十一

靖丁酉知府陳軻以鐘聲不揚謀諸指揮陸恩石璠另建鐘樓懸之樓在今洮陽書院之前乾隆壬午華國捐俸重修東關南關北關各長二里。按北關舊名臨洮堡宋熙甯六年置明洪武二年移城遂爲郭今仍之

西關長百步關門高三丈濶二丈五尺

南川堡 宋熙甯六年置

結河堡 宋熙甯七年置

寸金堡 宋熙甯時置一名寸金城卽通谷堡

南關堡 邊家堡 鄭家堡 漆家堡 沙泥堡 駱家堡

楊家堡 康家堡 官堡 高崖堡 何家堡

慶平堡 銅錢岔堡

以上諸堡俱照舊志載入以存古蹟今俱廢
關隘

東峪關 八角關 三岔關 聶家關 摩雲關

土地關 石井關 十八盤關 紅道峪關

以上諸關惟摩雲尚通驛遞餘俱廢

疏洮河保城池議

國朝婁 玠 江夏人

臨洮瀕洮水舊道自蓮花山北流由西傾山之麓而直下去郡城三里許城不為患邇來舊道壅塞至龍王廟之前即東奔城下潰冒衝突城必傾矣將徙城以避河則山高而土隘其徙不

狄道州志

卷一

城堡關隘

三十二

遠將改河而完城則大工大役費無所出欲任其事蓋亦難矣予蒞狄之明年上其事於方伯大夫亦以憚難中止今者河水漸逼豈惟倉庫獄廢之不保民必無所甯居因再上其事而方伯大夫下其議於郡守郡守集縣衛議之予謂修垣當先疏河疏河之法在復古道仍於西傾山之下循其舊渠深濬遠引使河流直下而分其浮漚之勢乃可塞其東洩之道不使侵城河流既遠於是運南山之石砌其垠築其壘庶幾永久無患然不請於上子子窮員束手無術將請御史中丞祈達

宸聰下虞部以計所費而年來邊境軍需浩繁一郡一邑之事何敢上聞抑或廣其歛於五屬紳衿商農而西土民貧室如懸

磬躄躄者數矣在昔長安建造營舍通省官俸悉捐為費民不
 勞而國不損往事效矣今者利害雖止一郡而臨之民國之民
 也上自大夫以下迄郎官皆存愛養保赤之意各捐一歲之俸
 錢以貽萬年之樂利不必泥行乘橇也山行乘權也優游安坐
 而使萬姓免跼危之苦是聖人之德也

同彭張二憲使周參伯洮城南樓讌眺 明甘 茹僉事

山郭千村枕暮霞郡樓四塞俯晴沙雲霄地近身如鶴河隴春
 歸樹始花北極望連金闕鳳東風吹斷玉門笳合歡未就登高
 賦獨倚危欄覽物華

狄道州志


卷一

城堡 公署圖

三十三

東公署圖

北



南

狄道州志

卷一

公署圖

三十四

公署

州署 卽舊府治元至正二年知府祁公哥朶只建明洪武三年同知趙琦重修置鼓樓於大門上建經歷署於儀門西永樂間署府事劉杰知府錢茂律相繼增修乾隆五年奉文改府今爲州署乾隆二十八年華國捐俸重修


州判署 在沙泥驛卽舊驛丞署

吏目署 在州署儀門西卽舊府經歷署

儒學署 在州治東卽舊府學署乾隆十五年知州程鵬遠率

合學紳士重修學正署在學宮右訓導署在學宮後

陰陽學 在州治南今廢



醫學 在州治南十步今廢

僧綱司 在州治東北寶塔寺今廢

道紀司 在州治南萬壽觀今廢

舊縣署 在州治後今曠

舊臨衛署 在州治左裁缺後雍正五年知府李如璐改建忠

愍祠乾隆二十八年華國捐俸添建洮陽書院

廢典史署 在舊縣治左今爲把總署

洮陽驛 在州治後康熙五十六年驛丞奉裁雍正八年知府

李綺改爲府社學今爲千總署

審店驛 在州東五十里今作公所

狄道州志

卷一

公署

三十五

沙泥驛 在州北九十里驛丞奉裁今爲州判署

臨洮營都司署 在州治後卽古狄道縣署

行署

察院 在州治東北隅今廢其空地佃人取租以充書院膏火

倉廩

廣儲倉 在州治東北洪武七年知府陸樞建今貯臨洮衛屯

糧康熙三十三年掌印守備錢世昌重修置督牧亭三楹今

仍之預備倉一十四間在舊縣署西

道署倉 在州治西南隅康熙初道移蘭州乾隆二年知縣郭

士佺以其署建倉廩四十間列廣積豐裕字號

舊縣衛倉 舊有倉廩八十八間乾隆十年知州張儒詳請於
舊縣學後添修倉六十間共廩一百八十八座

舊縣學新倉 共六十四間乾隆十八年知州程鵬遠詳請創
修

廣積庫 在大堂左右

申明旌善亭 在儀門外左右今俱廢

養濟院 在州治前明永平知府劉源捐修

監獄 在州署二門內西隅獄神廳一座監房三間乾隆十年
知州張儒捐修監房三間女監一間又於東隅建外監一所
以禁輕犯先年陋規於東峪臨洮八里歲報獄卒八名乾隆

狄道州志

卷一

倉廩

三十六

二十年署知州富斌禁革之

站所

沙泥所 在州北九十里今歸州判

窰店所 在州東五十里

柳林所 舊在前縣東北四十里後移北九十里今歸城內仍
名柳林所

舊府治碑記

明彭 燦知府

臨洮乃陝極西北郡山高而寒歲止一穫故厥田惟下厥民瘠
貧且西抵歸德孤懸天末入崑崙迄青海南隔露骨一山即生
番族帳北渡大河出金城即大小松山東北踰靖虜即賀蘭山

皆羗戎出沒衝道每歲秋防冬狩兵馬錢糧交馳飛輓柔甯時
切故郡小而稱劇焉郡守握符百責攸萃僚倅苦於奔走動經
千里嘉靖癸亥余來蒞此乙卯冬三入甘肅再歷階文徽成計
居邸纔三越月耳守之勞又可知也昔龔遂之於渤海虞詡之
於武都王韶之於熙河皆能成功當時名列後世竊謂洮固即
宋之熙河而治洮之難亦漢之渤海武都也是故郡吏多賢而
明興以來彬彬盛矣良守如仁和陸公之勤慎臨清李公之清
謹代州趙公潞州李公之廉潔石州車公之簡直青州楊公之
寬大南充張公之厚愛祥符李公之剛直良倅如掖縣林公以
精誠聞豐城黃公以材幹著夏縣郭公洪洞李公襄城盛公以
狄道州志

卷一

站所

三十七

綜理顯夫木植之沃壤則質柔易摧生之幽谷岩石之間其性
堅實而良工深取焉諸君子之相與以有成也顧不皆砥礪於
洮者哉丙辰予繼守是郡欲登之石未果壬戌冬新守金臺王
公由中臺至首以志請余深愧弗文因敘諸君子之宦於洮者
列之瑣珉使洮民知治洮之難可以勃然思奮然感矣



